

Ռուսաստանի հետ, ընդդեմելով, որ ռուսական կողմնորոշման բոլոր հակառակորդները շփոթում են «հետադեմ ռուսացնողների կուսակցությունը ամբողջ Ռուսաստանի և ռուս ժողովրդի հետ»⁵⁰:

Գյուղական հողային համայնքի վերաբերյալ նարոդնիկական հայացքներն իրենց արտահայտությունն են գտնում Մոսկվայի գյուղատնտեսական ակադեմիայի հայ ուսանողական ընկերության անդամներից Հ. Տեր-Բարսեղյանի (Հրայր) «Գործ» ամսագրում տպագրված հոդվածում: Նրա կարծիքով գոյություն ունեցող հողատիրության ձևերից համայնքը «ամենից լավ է համապատասխանում հողի վրա ունեցած մարդկային իրավունքին»⁵¹: Նարոդնիկների ազդեցությամբ, գյուղացիական ռեֆորմի և նրա հետևանքների մասին հանդես է գալիս նաև Ս. Ղորջանյանը:

3. ՆԱՐՈԴՆԻԿՈՒԹՅԱՆ ՔԱՅՔԱՅՈՒՄԸ ԵՎ ԲՈՒՐԺՈՒԱԿԱՆ ԼԻԲԵՐԱԼԻԶՄԻ ՈՒԺԵՂԱՑՈՒՄԸ

80-ական թթ. սկզբներին ծայր առած ցարական ռեակցիայի պայմաններում Անդրկովկասի նարոդնիկների շարքերում ավելի սրվեցին ներքին տարաձայնությունները, հանգեցնելով նրանց կազմակերպական քայքայմանը, գաղափարական վերասերմանը:

Այդ մասին Վ. Ի. Լենինը գրում էր. «Քաղաքական մի ծրագրից, որ նպատակ ուներ ռաբի հաճել գյուղացիությանը սոցիալիստական հեղափոխություն կատարելու ընդդեմ ժամանակակից հասարակության հիմքերի, — ծրվեց մի ծրագիր, որի նպատակն է կարկատել, «բարկավել» գյուղացիության գրությունը՝ պահպանելով ժամանակակից հասարակության հիմքերը»⁵²: Այս երևույթի մասնավոր արտահայտություններից էր նաև նարոդնիկների շարքերում ուժեղացող մեծապետական համաձուլողական նացիոնալիզմը:

Նման պայմաններում, հեռանալով հեղափոխության ընդհանուր խնդիրներից, այսինքն՝ հրաժարվելով ցարիզմի դեմ պայքարից, 80-ական թվականների կովկասահայ նարոդնիկական կազմակերպություններն իրենց ուշադրությունը կենտրոնացրին զլխավորապես արևմտահայ ազգային-ազատագրական շարժման հարցերին:

Տակավին 70-ական թվականներին ղեմավուցիներն էին անհրաժեշտ համարում առժամանակ հրաժարվել սոցիալիզմի պրոպագանդից և գյուղացիության մեջ կատարվող աշխատանքը հարմարեցնել առօրյա պահանջներին: Ինչպես բացատրում էր նրանց ղեկավարներից մեկը՝ Ս. Կրավչինսկին, զեմլավուցիները սոցիալիզմից դեռ էին նեղում նրա եվրոպական համազգեստը և հագնում ռուսական մուշտակ:

Սոցիալիզմից հրաժարվելը այն առաջին քայլն էր, որ Ռուսաստանի որոշ ծայրամասերում ղեմավուցիների շարժումը մղեց դեպի ինքնարավ ազգային-ազատագրական պայքարի գաղափարախոսությունն ու կազմակերպական ձևավորումը:

⁵⁰ «Գործ», № 1, 1884:

⁵¹ «Գործ» № 1, 1882, էջ 41:

⁵² Վ. Ի. Լենին, *Եվթ*, Հ. 1, էջ 327—328:

Այս երևույթը չէր կարող իր արձագանքը չգտնել նաև արևելահայ նա-
րոզնիկների միջավայրում: Միմյոն Տեր-Գրիգորյանը անդրկովկասյան նա-
րոզնիկների պառակտումը բացատրում էր ռուս նարոզնիկների մեջ ուժ ստա-
ցած համաձուլողական տրամադրությունների սաստկացմամբ⁵³, Ք. Միրա-
յելյանը հարց էր դնում ստեղծել նարոզնիկական ազգային կազմակերպու-
թյուններ, իսկ Գ. Տեր-Մկրտչյանը (հետագայում հայագետ Միսաբանը) առա-
ջարկում էր ընդհանուր հարցերից զատ խմբակներում զբաղմունքի նյութ
դարձնել նաև առանձին ազգություններին հետաքրքրող հարցերը⁵⁴, 1882 թ.
սկզբներին նարոզնիկական կազմակերպությունների վերասերման հետևան-
քով առաջացան առանձին ազգային խմբեր ու կազմակերպություններ:

Մոսկվայի հայ ուսանողների «Հայրենասերների միություն» կազմակեր-
պությունն արդեն իր գործունեությունը նվիրել էր ոչ թե ռուսական հեղափո-
խությանը, այլ Արևմտյան Հայաստանի ազատագրմանը, որը հայ ուսա-
նողների համար կարևոր նշանակություն էր ստանում:

Արտահայտելով ժամանակի հայ երիտասարդության մտորումները, Ներ-
սիսյան դպրոցի աշակերտ Փոքսուլյանը իր հուշերում գրել է. «Պետք է ասել,
որ այդ ժամանակ Տփլիսիում երիտասարդական խմբակներ չառ կային,
բայց առավելապես զբաղվում էինք ինքնազարգացումով, որովհետև դպրոցը
չէր տալիս այն, ինչ որ մենք պահանջ էինք դրում: Կարդում էինք առավելա-
պես արգելված գրքեր. Զերնիշևսկու «Լուսն անել» վեպը, Պիսարևի և Դոբրո-
լյուբովի քննադատական հոդվածները, Խալիլյալի ու Բուլղարիայի ազատա-
գրության վերաբերյալ գրքեր և բանաստեղծություններ: Կարդում էինք նաև
«Նարոզնյան վոլայ»⁵⁵ թերթից այն, ինչ որ մեր ձեռքն էր ընկնում: Հիշյալ
գրքերը, իհարկե, զրադարաններում ճարելը անհնարին էր, ձեռք էինք բե-
րում ծանոթ բուկլինիստներից, կամ Ռուսաստանից վերադարձած ուսանող-
ները տալիս էին իրենց ծանոթ աշակերտներին»⁵⁶:

Երիտասարդության մեջ նաև մեծ ձգտում էր նկատվում անցնել «Երկիր»
(Արևմտյան Հայաստան), ծանոթանալ ժողովրդական տարբեր խավերի տրա-
մադրություններին: Վերադառնալով Կովկաս հրապարակային ելույթներ էին
ունենում իրենց ուղեորությունների մասին և պրոպագանդում Հայկական
հարցի լուծման օգտին: Այդ տեսակետից ուշագրավ են 80-ական թվական-
ների սկզբներին հրապարակված Արևմտյան Հայաստանին լավատեսյակ
Արսեն Թոխմախյանի հրապարակային դասախոսությունները, ուր արժարծ-
վում էին արևմտահայ գյուղացիական ղեմավարախալի տրամադրություննե-
րը, որի համար պահանջվում էին բարձր ու վսեմ գաղափարներով զինված
«Նեմփոքների գոհաբերություններ»:

• • •

70—80-ական թթ. կապիտալիստական զարգացման պրոցեսը Անդր-
կովկասում և սոցիալ-բաղադրական պայքարի սրումը պայմաններ ստեղծեցին

⁵³ Տե՛ս ՀԱՍՆ ԳԱՔ, Գ. Անանունի ֆոնդ, գ. 21, թ. 36:

⁵⁴ «Հայրենիք» ամսագիր, 1925, 1, էջ 11, Գ. Ղազարյանի հոդվածը:

⁵⁵ Պետք է կարծել, որ խոսքը կամ այդ թերթի հին համարների մասին է, կամ Լավրովի
և Տելալի խմբագրությամբ 80-ական թթ. կեսերին արտասահմանում տպագրված պարբերա-
կանների մասին:

⁵⁶ Մի՞նչ հայկական մասնաճյուղի արխիվ, ֆ. 4047, ց. 1, գ. 830, թղթապանակ, 13 թ. 2:

արևելահայ լիբերալ և դեմոկրատական խմբավորումների հակամարտության օւժեղացման համար: Հայ հասարակական-քաղաքական կյանքում լիբերալ քուրճակական և դեմոկրատական հոսանքների միջև սաստկացող այդ հակամարտը ցայտուն կերպով դրսևորվեց գաղափարական հակասում: 80-ական թվականների ընթացքում ավելի ու ավելի էին ակներև դառնում գաղափարական բախումները:

«Մշակականների» քաղաքական հրապարակախոսությունը 1880-ական թթ. կեսերից ստանձնում էր գրեթե միայն ազգի ծխական-մշակութային մտահոգությունները՝ միշտ հետամուտ, որ թերթը «շվարկարեկվի» կառավարության աչքում և կասկածի նշավակ չդառնա «նիհիլիստ» համարված հայ երիտասարդությանը գործակցելու համար:

«Մշակի» որդեգրած ուղեգիծը պատահական չէր: Հրապարակ իշխելով որպես կապիտալիզմի առաջամարտիկ, Արծրունին չէր բաժանում նարդոնիկների այն կարծիքը, թե կապիտալիզմը չի կարող հաղթանակել ոչ Ռուսաստանում, ոչ էլ մասնավորապես Անդրկովկասում: Նրա աչքում նարդոնիկների տեոդրիստական ելույթներն այլ ինչ չէին, քան «սարսափելի չարագործություն», «մի վտանգավոր ստորերկրյա շարժում»: Ռուս լիբերալ համախոհների պես, Արծրունին կոչ էր անում «հասարակութայնը» միանալ «պետությանը»: Նա հավաստիացնում էր, որ նարդոնիկների երազական մտքերը խորթ են անդրկովկասցիներին, մանավանդ հայ ազգին: «Անդրկովկասը երբեք չի ներկայացնի մի հարմար հող սոցիալական որևէ պրոպագանդայի համար»⁵⁷:

Սոցիալիզմի դեմ կռվելու համար Արծրունին ազդու միջոց էր համարում լիբերալների առաջարկած քաղաքական ազատությունը: Միայն քաղաքական կատարյալ ազատության միջոցով կարելի է վերջնական մահվան հարված տալ սխալ, փնասակար ու հակահասարակական վարդապետություններին, ինչպիսին է սոցիալիստների սպառնալի վաղդապետությունը⁵⁸:

80-ական թվականներին Րաֆֆին, հակադրվելով մշակական լիբերալիզմին, համակվեց Թուրքիայի ճնշված ժողովուրդների ազատագրական պայքարի պաշտպանությանը ու ոգեշնչմամբ: Նրա երկերում լսելի են դառնում մի կողմից Նալբանդյանի, մյուս կողմից կովկասահայ երիտասարդության մեջ ուժ ստացող դեմոկրատական հայացքների արձագանքները: Րաֆֆու «Եսնեթի» հերոսի երազից իսկ ակներև է Նալբանդյանի ազդեցությունը վիպասանի վրա: Վարդանի երազած դուռում գործաբանները պատկանում են գյուղական համայնքին, որի ամեն մի անդամը մաս ունի դրանց մեջ⁵⁹:

Նույն գաղափարներն են արծարծվում նաև «Կայծերում»: Տուրք տալով 80-ական թվականների նարդոնիկներին, «Կայծերի» վերջում, երազելով Հայաստանի գալիք օրը, Րաֆֆին գրում է, որ որսորդ Ավոն իր գյուղի բոլոր հողերը դարձրեց համայնական սեփականություն, ինքը մնալով գյուղական համայնքի սոսկ անդամ: Վնպում Րաֆֆին նկարագրում է Հայաստանը, որը դարձել է խաղաղ, շինարար, բախտավոր, երջանիկ ստեղծագործ մի երկիր, ուր ապահովված է շինականի թե կյանքը, թե կայքը: Ուրիշի վաս-

57 Տե՛ս Վ. Ռյտունի, Հայ հասարակական հոսանքների պատմությունից, էջ 272:

58 «Մշակ», 1878, № 98:

59 Տե՛ս Րաֆֆի, Երկերի ժողովածու, հ. 3, էջ 361—362 և հտե.:

տակով ապրող հասարակությունը մեռավ, երբ նրան ստիպեցին իր հաշվով ապրել...»⁶⁰ Բաֆֆին պատկերացնում է ապագա Հայաստանը որպես «ազգային վաճառականության ծաղկող երկիր»։ «Մենք մինչև այժմ դժբախտ էինք, որ չգիտենք օգտվել մեր երկրի արդյունքներից,— գրում է նա— Եվրոպացին մեր բուրդն ու բամբակը տանում էր, պատրաստում էր և գործվածքները տանապատիկ գնով մեզ վրա վաճառում էր։ Իսկ մենք մնում էինք աղքատ, միայն օտարի քսակն էինք լցնում»⁶¹։ Այստեղ ակնբախ է «Երկրագործության» հեղինակի որոշակի ազդեցությունը Բաֆֆու վրա։

1885 թ. Բաֆֆին գրեց «Սամվել» պատմավեպը, որի քաղաքական պատկեր ուղղված էր ցարիզմի քաղաքականության դեմ։ Վերջապես 80-ական թվականներին կեսերին հրապարակած «Կայծեր» աշխատությունում նա հակադրվելով Արևմտյան Հայաստանի նկատմամբ ցարիզմի բռնած ուղեգծին, հուշում է արևմտահայերի ազատագրման իր մտորումները։ Ահա թե ինչու այդ շրջանում Բաֆֆու շուրջն է համախմբվում ժամանակի առաջադեմ դեմոկրատական երիտասարդությունը։

«Մշակի» հրատարակության ֆինանսական տաղանայի պահին Բաֆֆին, Ն. Արեկյանը և Գ. Միրզոյանը որոշել էին Արծրունուց գնել նրա թերթի հրատարակության իրավունքը և «Մշակի» ուղղությունը մոտեցնել «Հայրենասերների միության» ոգուն, այն դարձնել Թիֆլիսի հայ նարոդնիկների ձայնափողը։ 1884 թ. հունվարի 14-ին Ն. Արեկյանին հղած իր նամակում Բաֆֆին հաղորդում է, որ Արծրունու հետ իր «հարաբերություններն այժմ բավական լարված են, դիտավորություն ունի այս տարվա սկզբում մի քանի փոփոխություններ անել խմբագրական կազմակերպության մեջ նոր մարդիկ հրավիրել և հներին հեռացնել, որպեսզի «Մշակը» փոքր ինչ կենդանանա»։ Այսպես նշում է, որ այդ հնարավոր չեղավ և «Շատ կարելի է, որ բոլորովին դադարեմ «Մշակի» մեջ աշխատակցելուց, և եթե կարողացա հաջողացնել, պիտի նախապատրաստվեմ առաջիկա տարվանից իմ խմբագրությանը մի ամսագիր հրատարակել»⁶²։

Նույն տարվա մարտի 12-ին Ն. Արեկյանին հղած մի այլ նամակում Բաֆֆին գրում էր. «Ժամանակ է, որ ազատվենք բուրժուա-խմբագիրներից, որ իրանց կապիտալով խեղդում են մեզ։ Նոր երիտասարդությունը պիտի խմբվի մի նոր գործի շուրջը... Մեզ ուրիշ ուշինչ պետք չէ, բայց միայն մարդիկ։ Թարմ, հաստատամիտ և տոկուն մարդիկ»⁶³։

Ճշմարտությունը բոլոր պարագաներում այն է, որ 80-ական թթ. ընթացքում Բաֆֆու գաղափարների վտակը դուրս էր եկել լիբերալ «Մշակի» հունից և նորից մուտք գործել նախամշակյան շրջանում իրեն համակած դեմոկրատական ակտիվ դադափարաբանության հունը։

Դեռևս ուսումնական պատերազմի տարիներին գրած իր երկերում Բաֆֆին հանգել էր այն մտքին, թե հայերը պետք է հույսը դնեն միայն իրենց բազկի վրա, պայքարեն իրենց իրավունքների համար և նվաճեն ազատություն։ Զափազանց արգասավոր էր Բաֆֆու երկերում արծարծվող այն միտքը, որ հարկավոր է հատուկ աշխատանք ծավալել արևելահայ դավառ-

60 Բաֆֆի, Երկերի ժողովածու, հ. 5, էջ 484։

61 Բաֆֆի, Երկերի ժողովածու, հ. 10, էջ 583։

62 Նույն տեղում, էջ 608 և հետ։

ներում և մասնավանդ ծովամերձ քաղաքներում բանող այնամտահայ պան-գոիստ մշակների մեջ: Ակտիվ դեր վերապահելով մշակ դասին, Բաֆֆին հանդիպումներ է ունենում նրա ներկայացուցիչների հետ և ինչպես իր «Կյանքի բովում» գրում էր Շիրվանզադեն, սիրով էր ընդունում ցնցոտիներում կծկված մշեցի մշակներին, խրախուսում նրանց:

Հետագայում Գ. Միրզոյանը հիշում էր այն աշխատանքները, որ Բաֆֆու հետ միասին նրանք կատարում էին արևմտահայ մշակների շրջանում: «Մենք աշխատում ենք այստեղ (Թիֆլիսում) մշեցի, ալուշկերտցի և այլ թուրքահայ համալների մեջ՝ որոշ քաղաքական պրոպագանդ անել, նրանց պատրաստել, երիտասարդ ուժեր ուղարկել երկիրը, ապստամբաշունչ բրոշյուրներ և զենք փոխադրել»⁶³: Մշակների այդ խմբակից դուրս եկան հետագայում իրենց հայդուկային գործունեությամբ նշանավոր դարձած Մարգար վարժապետը, վարդենիսցի Քավոր Պետրոսը և ուրիշներ:

Ազգային-ազատագրական շարժման գլխավոր շարժիչ ուժը տեսնելով հայ ժողովրդի դեմոկրատական խավերի մեջ, Բաֆֆին շանում էր այդ շարժման ոլորտը ներգրավել նաև համալսարանական երիտասարդության առավել «հաջող» մասը, նախապատրաստել նրանց ազատագրական պայքարի հետագա գոտեմարտերին: Սակայն Բաֆֆին, ինչպես և իր ժամանակի շատ գործիչներ, չհասան այն գիտակցությանը, որ ընդհանուր հեղափոխական-ազատագրական շարժումներից մեկուսացած ազգային պայքարն ինքյան չէր կարող ունենալ հաղթանակի ստույգ երաշխիք:

4. ՀԱՅ ԲԱՂԱՔԱԿԱՆ ԿՈՒՍԱԿՑՈՒԹՅՈՒՆՆԵՐԻ ԶԵՎԱՎՈՐՈՒՄԸ

Հայ ժողովրդի հասարակական մտքի զարգացումն ու ազատագրական շարժումների ծավալումը հրատապ խնդիր էին առաջադրում դասակարգային ուժերի խմբավորման ու քաղաքական կազմակերպությունների ձևավորման համար: Կենսական պահանջ էր դառնում տարերայնորեն բարձրացող ժողովրդական հուզումները մեկ ընդհանուր ընթացքի մեջ զենել ու գլխավորել:

1880-ական թվականներին ազատագրական պայքարի գաղափարը առավել հստակ բնույթ ստացավ շնորհիվ հրիմյանի և Մկրտիչ Փորթուգալյանի ծավալած հասարակական-քաղաքական գործունեության:

Մկրտիչ Փորթուգալյանը 1870-ական թվականների Կ. Պոլսի առաջադեմ երիտասարդների մտավորական շարժումների ակտիվ մասնակիցներից էր, Մինաս Չերազի, Արփիար Արփիարյանի գործակիցը: Կ. Պոլսի հայրենասերների Միացյալ ընկերությունը հաշվի առնելով Փորթուգալյանի ունակությունները նրան ուղարկեց Վասպուրական՝ դպրոցական գործը գլխավորելու համար: Վաճառ Փորթուգալյանը լուսավորական լայն աշխատանք ծավալեց. իր շուրջը համախմբելով երիտասարդությունը, ստեղծեց «Առաջադիմական միությունը», որը թաղային ընտրությունների ժամանակ պայքարում էր «Ազատական» կոչվող թեկնածուների համար, դատապարտում հեղափոխական ուժերին՝ Վաճի հասարակական կյանքում կարևոր երևույթ էր «Ազգային սահմանադրության տարեդարձի» նշումը 1879 թ., որի ժամանակ «Առաջադիմական միությունը» առաջադրեց զավառներում տարվելիք լուսավորական և ազգային:

63 ՄԻ-ի հայկական մասնաճյուղի արխիվ, ֆ. 4047, գ. 219ա, թ. 62 և հան.